

ПАО «ГМК «Норильская никель» диэн кампанийа үлэтэ агыйак аксааннаак дьоннору кытта

Политика «Норильская никель» диэн Компанийаны кытта агыйак аксааннаак дьоннору бииргэ быһааран үлэлири туруорар.

Ол гынан Компанийа туогу, каччага, кайдак оңорорун, каннык үлэлэр бу хиргэ буолалларын иннититтэн быһаарыактаак: хир алдьанарын, киһи доробуйатыгар оксоллорун эңин-эңин үлэлэр, тыатаагы олок алдьанымьан, көтөр, булт баар буолуогун урукку көрдүк.

Куһаган таксымыан бу политиканы икки быһаарыыннан оңорорго хүбэлиир. Маңнайгыта, кайдак проект барарын туһунан элбэк киһи билиэн поселоктар тойонноругар нурук баар, онтон өссүө компьютерга нурук баар, ким үлэли иатыыр киһилэргэ, онтон ылан Ассоциацияга үлэлиир киһилэр кэпсиэктэрин.

Компанийа бу илэ Политиканы туттаары гынар үлэтигэр агыйак аксааннаак дьоннору кытта: дьураактары, энцы диэн, долгаааннары, хаамайдары онтон эвенкалары Таймыр диэн хир ологугар онтон өссүө саам диэн Мурманская олокко бааллары. Политика дьураактары кытта коми диэн дьоннор табаһыттарын улаканнык кыһаныа.

Компанийалар бэйэлэрин үлэлэригэр үчүгэйдик, кэчэһэн көрүөктээктэр агыйак аксааннаак дьоннор олокторун тагайбат, тыытпат көрдүк. Ол көрдүк һопсиэм һатаммат буоллагына, һэпсэкиитик, агыйактык таарыйар көрдүк тыатаагы дьон ологун, хирдэрин, таба оңкотун алдыаппакка, астарын, таңастарын, дорообуйаларын бэйэлэрэ каранар көрдүк буолуогун.

Политика улаканнык тутуоктаак билиниини:

- агыйак аксааннаак дьоннор праваларын: биир даа киһи онтон элбэк комуллубут киһилэр буоллуннар
- агыйак кыактаактарын олокторо алдыаннагына
- бэйэлэрин олокторун көмүскэнэр быһаарыыга кыттыактаактар
- тэң правтан төрдүтүттэн быһыыны
- тэң убаастабыллаак кэпсэтии онтон өрдүк бииргэ үлэлииргэ
- тэң, һөп түбэсииһэр рэсуурсалар: үптэр, хир баайдарын үллэриигэ агыйак аксааннаак дьоннору кииллэриигэ.

Компанийа тылын биэрэр агыйак аксааннаак дьоннору кытта бииргэ хүбэлэһэн, туолкулаһан үлэлииргэ.

Кытаанак көрүүлээк ыытыллар үлэлэр. Компанийа көрүө кутталлаак нуол, калбаркай нуол һыанатын, туок эмэ тиэрэ бардагына проект үлэтин ыытыыга, канны агыйак аксааннаак дьоннор олороллор. Үлэни ыыта илик иннитинэ маңнай олоктоок дьоннору кытта кэпсэтии, хүбэлэһии буолар, гинилэр кайдак, туок үлэтин ыыталларын кэпсииллэр. Үлэ тиэрэ бардагына, ким, каннык көмүскүүр организациалар баалларын билээри, һэрэтээри.

Агыйак аксааннаак дьоннору кыыта үлэлиир план оңоһуута. Проект оңоһуута агыйак аксааннаак дьоннор хирдэригэр түбэһэр буоллагына

план оңоробут туок алдыаркай буоларын көрөбүт, ону кайдак ааһардар, һэпчэтэр көрдүк, улакан алдыаркай таксымыан. Планҥа барытын көрөбүт: кайдак һэпсэкиитик оңорору, кайдак, туогу туогунаан төлүүргэ, кайдак, кимиэкэ төлүүргэ, кыайан ааһардыбат буоллагына.

Көңүллүк, колкутук, эрдэ онтон өйдөөн һөбүлэһии (СПОС). Проекты оңорор үлэлэр агыйак аксааннаак дьоннор праваларын тагайар буоллагына Компания планҥа киирбит төлөнүүлэри оңорор урут колкутук, эрдэ онтон өйдөөн һөбүлэһии буолбутунан. Ити кэпсэтии, һүбэлэһии эрдэ толору өйдөөтүүнү, үчүгэй һырдатыыны, һэрэтии онтон убаастабыллаак ылыллыбыт быһаарыыны толоруоктаак. Агыйак аксааннаак дьоннор һөбүлэһиилэрин биэрэр даа, биэрбэт даа көңүллээктэр, онтон өссүө биэрдэктэринэ туок эрэ төлөнөр иһин дуу һөбүлэһиилэрин төттөрү ылар көрдүктэр, Компания туогу эрэ һөбүлэһииттэн толорботогуна.

Кыһамдылаак кэпсэтиини оңорор. Компания кэпсэтиилэри, һүбэлэһиилэри агыйак аксааннаак дьоннору кытта, гинилэр тойоннорун, Ассоциацияларын кытта оңорор, канна Компаниялара гинилэр һирдэригэр үлэлиир. Быһаарыылар тэң правтаактыы буолаллар, тыа киһи быһыытын убаастаан онтон былыргыттан баар быһаарыылары карыстаан. Ол эти кыһанан иһиллиилэр элбэки агыйак аксааннаак дьоннор билиэктэрин, кэпсиэктэрин, туок үчүгэйн, кайдак оңордокко туксарын, һүбэлиэктэрин.

Кайдак үңсүүлэри ыытарга, көрөргө. Компания биэк онтон дөгөмнүк көрөргө, ыытарга үңсүүлэри диэн агыйак аксааннаак дьоннору кытта консультация оңорор. Үңсүүлэри тутар механизм ылар, докумиэн һуруйар онтон тойонноругар ыытар. Гини Компанияга һөп быһаарыылары һүбэлиир, мөккүһэр быһаарыыларга көмө эппиэт һуруйар, ол даа эти Компания бэйэтэ быһаарар. Онтон өссүө үңсүүнү дьүүллэтэр һуруйарга кэми биэрэр.

Туһа таһаарар механизм. Агыйак аксааннаак дьоннору кытта Компания консультация кэмигэр туһа таһаарар механизм оңорор. Онтун төлүүр куһаган туттууну кытта төлүүр карчыннан онтон үбүнэн инни диэки үлэни ыытарга. Компания Политиката — биэк агыйак аксааннаак дьоннорго көмөлөһөргө диэн турар, гинилэр инни диэк бэйэлэрин олокторунан барыактарын. Политикаларын механизма консультацийалары оңорорго, онтон быһарыы ыытарга, биирдии киһилэргэ көмөлөһөргө диэн эһин-эһин өйүүнү оңорорго бэлэмнииллэр. Ол гынан Компания Политиката бэрт көмөлөһүөгүн багарар эһин-эһин Общиналарга, организацияларга агыйак аксааннаак дьоннор гияттэригэр, туогу муң наадалаак диэн тутталларын (табаны үөскэтэргэ, оҕону үөрэтэргэ, дуу эбиэнньэ ылынарга, үп тэринэргэ дуу кинигэлэри таһаарага диэн ...).

Колуур, отчёттууру кытта аудит. Компания агыйак аксааннаак дьоннору кытта консультация оңорор кэмигэр ыйыталыыр, көрөр, һүбэлэһэр, кайдак инни диэки бииргэ үлэлири, кайдак проектары ыытары кытта, кайдак һыананы Компания үлэтигэр ууралларын, һөбүлүүлэр дуу һөбүлээбэттэр дуу, туок дии һаныылларын.